

CONVENIO ENTRE O CONCELLO DE SANTIAGO DE COMPOSTELA E A ASOCIACIÓN ÁREA EMPRESARIAL DO TAMBRE PARA O ANO 2022.

Dunha parte, D. José Sánchez Bugallo, Alcalde-Presidente do Excmo. Concello de Santiago de Compostela.

Doutra, D. José Fernández Alborés, que actúa en nome e representación da Asociación Área Empresarial do Tambre con CIF G15037112, e con domicilio en Polígono do Tambre s/n, 15700 como se acredita na Certificación de personalidade xurídica da Xefatura Territorial de Economía, Emprego e Industria da Coruña.

Ambas as dúas partes no nome e representación que ostentan e coa capacidade legal para este acto

EXPOÑEN

I. Que o presente convenio regularase polo disposto na Lei 40/2015, de 01 de outubro, de Réxime Xurídico do Sector Público, na Lei 38/2003, de 17 de novembro, “Xeral de Subvencións” e RD 887/2006 de 21 de xullo, polo que se aproba o seu regulamento, e polo definido na Lei 9/2007 do 13 de xuño de Subvencións de Galicia.

II. Que o Concello de Santiago de Compostela leva colaborando coa Asociación Área Empresarial do Tambre de Compostela apoiando o desenvolvemento e a mellora da actividade industrial a través de distintos programas de actividades dende a creación no ano 2004, da Oficina de Promoción Económica municipal existindo ademais esta liña de traballo e actividade con anterioridade a esa data no marco das accións da extinta Axencia de Desenvolvemento Local.

Segundo o establecido no artigo 3 puntos a) e b) da Lei 5/2014 do 27 de maio de medidas urxentes derivadas da entrada en vigor da Lei 27/2013 do 27 de decembro, de racionalización e sustentabilidade da Administración Local non se entenderá como exercicio de novas competencias a continuidade na prestación dos servizos xa establecidos nin a continuidade da actividade de fomento xa establecida en exercicios anteriores; polo tanto a continuidade destas liñas de axudas ao establecemento da actividade empresarial non poden ser consideradas exercicio de novas competencias.

A aportación propia precisa para a execución das actividades realízanse con fondos propios do Concello de Santiago de Compostela non comprometendo a sustentabilidade financeira do Concello de Santiago e non supoñendo ademais unha reiteración ou duplicidade sobre as actividades realizadas pola Xunta de Galicia.

III. O Concello e a Asociación Área Empresarial do Tambre son asinantes do acordo de colaboración para a re industrialización empresarial e a promoción do asentamento de empresas e a captación de proxectos de investimento. No marco do mesmo, a Asociación ven desenvolvendo unha serie de accións de coordinación e xestión para acadar os obxectivos establecidos.

IV. Por outra banda, dentro da súa carta de servizos a Asociación Área Empresarial do Tambre ten contratado un servizo de vixilancia para as instalacións e naves que abrangue a zona de Tambre-Boisaca e a de

Costa Vella - nos que se ubican diversas instalacións e propiedades municipais – que se coordina cos organismos municipais coma a Policía Local, servizo de Bombeiros, etc., para incidencias que se producen dentro do horario de funcionamento do mesmo.

V.A Lei 5/2017, do 19 de outubro, de fomento da implantación de iniciativas empresariais en Galicia, no seu artigo 21 establece a posibilidade de que as administracións públicas competentes e as entidades de xestión de áreas empresariais subscriban convenios de colaboración “para conservar ou mellorar as infraestruturas, os equipamentos, as dotacións e os servizos dos que dispoñan aquelas”.

VI. Que son os convenios o instrumento habitual para canalizar as subvencións previstas nominativamente, segundo se establece especificamente nos artigos 47.2.c e 48.7 da Lei 40/2015 de Réxime Xurídico do Sector Público, no artigo 28 da lei 38/2003 Xeral de subvencións e no artigo 26 da Lei 9/2007 de subvencións de Galicia, así como, de forma específica no artigo 31.10 das Bases de execución do orzamento municipal.

VII. Que o Concello de Santiago para levar a cabo a colaboración coa Asociación Área Empresarial do Tambre obxecto deste convenio, , estará ao previsto nas Bases de Execución de Orzamento do Excmo. Concello de Santiago de Compostela para o ano 2021 e ao establecido no anexo ao estado de gastos dos capítulos IV e VII que forma parte do orzamento xeral do Concello para o exercicio 2021, achegará a cantidade de cincuenta mil euros- 50.000,00€ con cargo á aplicación orzamentaria 010 43300 4890001.

E, polo que as partes

MANIFESTAN

I. Que a Asociación Área Empresarial do Tambre é unha asociación empresarial que se rexe polo seus estatutos e no seu defecto pola Lei 19/77 de 1 de abril que regula o dereito de Asociación Sindical, polo Decreto 873 de 22 de abril, e demais disposicións legais e regulamentarias que lle sexan de aplicación, tendo como fins os recollidos no artigo 6 dos seus estatutos, entre os que destacamos os seguintes:

1. A asociación terá os fins seguintes:

- a. Representar, orientar e defender os intereses comúns dos asociados, na súa condición de propietarios ou adxudicatarios das parcelas enclavadas no Polígono Industrial do Tambre, fronte a terceiros e a entidades e organismos particulares e oficiais de toda índole, así coma os intereses propios da Asociación.*
- b. Orientar e desenvolver toda clase de iniciativas que poidan redundar en beneficio das Empresas do Polígono.*
- c. Informar e asesorar debidamente aos seus asociados en canto poida ter relación coa súa condición de propietarios ou adxudicatarios dos terreos do polígono.*

2. *A Asociación non persigue fins lucrativos nin políticos, se non intereses xerais e comúns aos propietarios ou adxudicatarios de parcelas do Polígono Industrial do Tambre, e toda clase de ingresos dos que poida dispor abdicaranse ao cumprimento dos fins expostos.*
- II. Que o Concello de Santiago de Compostela ten como un dos seus obxectivos, o fomento da actividade industrial no termo municipal a través da realización de diferentes accións encamiñadas á captación de investimentos e mellora e crecemento das empresas xa existentes, que permitan acadar, un desenvolvemento sostible da rexión.
- III. Que na situación de paralización da actividade económica provocada polo Decreto 463/2020 polo que se declarou o estado de alarma para a xestión da situación de crise sanitaria ocasionada polo COVID-19, foi preciso establecer mecanismos nos que, de xeito coordinado se articule o proceso de reactivación económica da actividade local aprobándose con data 13 de xuño de 2022 o programa Compostela Móvese 2022 no que se recolle como obxectivo "Impulsar medidas de reactivación económica a corto, medio e longo prazo nun espazo de concertación cos axentes económicos da cidade, que permita aos mesmos afrontar con información fiable e medidas útiles de consenso o novo espazo económico que se abre trala crise económica derivada da emerxencia sanitaria provocada polo COVID19." E como obxectivos específicos do Pacto da Sionlla os seguintes:
- Impulsar e apoiar política e institucionalmente a creación dun Polo de Innovación en Biotecnoloxía no Parque Empresarial da Sionlla de Santiago de Compostela.
 - Visibilizar a nivel autonómico, nacional e internacional o Polo de Innovación en Biotecnoloxía para facer de Santiago de Compostela e de Galicia un referente no sector.
 - Estudar e artellar incentivos que supoñan un solo empresarial bonificado ou en dereito de superficie para empresas que queiran desenvolver a súa actividade no Polo de Innovación en Biotecnoloxía.
 - Facilitar a concesión de bonificacións e exencións fiscais que faciliten a localización de empresas e persoas emprendedoras no Polo de Innovación en Biotecnoloxía e que se enmarcarían na habilitación que ten o Concello de Santiago de Compostela como "Concello Doing Business Galicia – Concello Emprendedor" que se certificou con data de 20 de Xaneiro de 2021.
 - Avaliar a posibilidade de simplificar os trámites administrativos que axilicen os procesos derivados da localización de novas empresas no Polo de Innovación en Biotecnoloxía.
 - Analizar a concesión axudas específicas para a implantación de empresas biotecnolóxicas, incluíndo aquelas destinadas á captación de talento e a súa contratación nas entidades e compañías localizadas no Polo de Innovación en Biotecnoloxía,
 - Favorecer a creación dunha estrutura comercial que posibilite a atracción de investidores e empresas biotecnolóxicas ó Polo de Innovación en Biotecnoloxía, que exerza de ventanilla única para a promoción, prospección e acompañamento de novos proxectos empresariais.

- Artellar as medidas necesarias para que a conectividade, infraestrutura e loxística sexan as adecuadas para un correcto desenvolvemento da actividade empresarial no Polo de Innovación en Biotecnoloxía.
 - Seguir traballando para ampliar as actuacións do sector da madeira nesta iniciativa, outro dos obxectivos do Acordo da Sionlla para a re industrialización de Santiago de Compostela.
- IV. Que é interese das institucións comparecentes, fomentar e impulsar as actividades de información, formación e mellora da competitividade empresarial que axuden a instalar no territorio os valores asociados ao espírito emprendedor e á mellora empresarial coa fin de adaptarse ás ferramentas claves e básicas no proceso de harmonización social que permita alcanzar un desenvolvemento sostible.
- V. Que a Asociación Área Empresarial do Tambre, dispón de competencia, metodoloxía, equipo técnico e rede de contactos precisos para desenvolver de xeito óptimo e no marco das súas actividades e defensa dos seus intereses ás actividades e servizos obxecto deste convenio, que non poderían ser realizadas polo Concello de Santiago con recursos propios para a consecución dos fins expostos sen incorrer nun custe moito máis elevado.
- VI. Que o Concello de Santiago considera importante establecer acordos de colaboración coa mencionada entidade co fin de garantir a realización das labores obxecto do convenio co consecuente beneficio para toda a cidadanía do Concello de Santiago, considerando que é positivo para a promoción da actividade industrial na cidade, de acordo cos obxectivos marcados no programa Compostela Móvese 2022 e cos marcados anteriormente no Pacto pola reindustrialización de Compostela. En consecuencia,

CONVEÑEN

1º.- É obxecto deste convenio subvencionar parte dos gastos necesarios para que a Asociación Área Empresarial do Tambre de Compostela realice durante o ano 2022 as seguintes actividades e servizos:

1.- Accións encamiñadas ó desenvolvemento dun Polo de Biotecnoloxía e outras no marco do Convenio de A Sionlla

No marco do acordo asinado o 16 de Xaneiro de 2017 entre o IGVS, o IGAPE, o Concello de Santiago de Compostela, a Universidade de Santiago de Compostela, a Asociación Área Empresarial do Tambre e a Cámara de Comercio de Santiago de Compostela, veñen desenvolvéndose unha serie de accións tendentes a posta en marcha dun polo de biotecnoloxía no parque empresarial de A Sionlla e a captación de empresas para o mesmo.

De cara a consecución destes obxectivos, no exercicio 2022, propónse realizar as seguintes actividades:

1. **Desenvolver as accións da Secretaría técnica do Acordo de A Sionlla:** Impulsar e coordinar as actividades do Acordo da Sionlla como punto de encontro de axentes da cidade para a súa industrialización, poñendo en valor as potencialidades de Santiago de Compostela ante a Administración Autonómica, empresas e investidores para acadar os recursos necesarios que impulsen a promoción económica da cidade. Para acadar este obxectivo contratarase unha consultoría especializada que execute as seguintes actividades:

- Coordinación acordo da Sionlla e exercer as labores de Secretaría Técnica: coordinando axendas para reunións, elaboración de documentación e informes para o desenvolvemento das mesmas, propostas de proxectos conxuntos que contribúan á re industrialización da cidade.
- Control da evolución do BIPOLO: preparación de documentación e informes sobre o Biopolo para a Mesa e interlocutores do mesmo, visibilización das actividades.
- Avaliación dos obxectivos acadados no acordo de A Sionlla e deseño de novas accións, incorporación de novos axentes, interlocutores, etc., en particular do sector da madeira.

2. **Desenvolvemento de negocio do Polo Biotecnolóxico de Galicia:** Impulso do Polo Biotecnolóxico de Galicia como proxecto materializado promovendo a comercialización dos espazos no edificio de servizos compartidos, dos espazos industriais e proxectando os espazos de crecemento a futuro. Para acadar este obxectivo contarase co apoio de empresas de consultoría e comunicación, a través da contratación coas mesmas que poidan contribuír tanto no deseño das estratexias e accións para acadalo coma na execución das actividades deseñadas.

3.- **Colaboración no servizo de vixilancia da área empresarial:** realización da vixilancia na área empresarial e en particular das instalacións municipais existentes dentro da mesma, segundo a estrutura existente actualmente e/ou modificada pola implementación de novas tecnoloxías. Coordinación do servizo cos organismos municipais, especialmente coa Policía Local e cos servizos de Bombeiros.

2º.- A Asociación Área Empresarial do Tambre presenta para que forme parte deste convenio a seguinte documentación:

- Certificación da Asociación Área Empresarial do Tambre asinada polo Secretario co visto e prace do Presidente, do orzamento xeral de gastos e ingresos previstos para o ano 2021 obxecto de subvención.
- Certificacións oficiais de estar ao corrente nos pagos coa Seguridade Social e coa Axencia Estatal da Administración Tributaria e co Concello de Santiago.
- Certificación oficial de estar ao corrente coa facenda da Comunidade Autónoma.
- Declaración xurada do Presidente de non estar incurso, a entidade que representa, nas prohibicións para obter a condición de beneficiaria da subvención establecidas no artigo 13 da Lei 38/2003, de 17 de novembro, Xeral de Subvencións.
- Estatutos da entidade
- Copia compulsada do CIF da Entidade.
- Impreso selado pola entidade bancaria que corresponda, no que figure a Asociación Área Empresarial do Tambre como titular e o seu número de conta, BIC e IBAN.

3º.- O Concello de Santiago comprométese a subvencionar no ano 2022 á Asociación Área Empresarial do Tambre de Compostela coa cantidade de 50.000,00-EUROS con cargo á aplicación orzamentaria 010 43300 4890001 dos orzamentos municipais para o ano 2022, destinados a colaborar no financiamento do gasto que supón a prestación dos servizos reseñados no punto 1º deste convenio.

3.1.- Estes 50.000,00-€, a efectos de xustificación estarán destinados a financiar os seguintes conceptos de gastos que figuran no seu orzamento, todos eles correspondentes ao ano 2022:

ACTIVIDADE	CUSTE PREVISTO*
1.- Desenvolver as accións da Secretaría técnica do Acordo de A Sionlla	17.545.-€
2.- Desenvolvemento de negocio do Polo Biotecnolóxico de Galicia	7.045.-€
3.- Colaboración no servizo de vixilancia da área empresarial	25.4100.-€
TOTAL ORZAMENTO	50.000.-€

*O importe exacto das distintas partidas pode variar en función das distintas contratacións precisas para o desenvolvemento das actividades. De non ser posible a xustificación da totalidade do orzamentos dunha liña por este motivo, admitirase a xustificación do resto con cargo ao resto de actividades descritas neste convenio.

A contribución municipal manterase sempre e cando, en concorrencia con outras axudas públicas ou privadas para o mesmo fin, non se supere o orzamento total de gastos presentado pola Asociación Área Empresarial do Tambre de Compostela para o ano 2022.

4º.- A Asociación Área Empresarial do Tambre de Compostela comprométese, en virtude deste convenio a publicitar a colaboración do Concello de Santiago, na súa páxina web e en toda a documentación xerada como memorias de actividades, nota de prensas, convocatorias de programas, publicidade dos servizos, referentes aos servizos enunciados no punto 1º do convenio.

5º.- O pago efectuarase nun único prazo previa xustificación dos gastos realizados e do cumprimento da finalidade para a que foi concedida a subvención. Procederá a minoración do importe cando o orzamento executado teña un custe inferior ao inicialmente previsto, e sempre que esta minoración non supoña unha realización deficiente da actuación subvencionada.. O prazo de xustificación rematará o 15 de novembro de 2022.

Para facer efectivo o pago é condición necesaria que a Asociación Área Empresarial do Tambre de Compostela presente no Rexistro Municipal do Concello de Santiago, **como data límite a indicada no parágrafo anterior**, a seguinte documentación para a xustificación do convenio:

5.1.- Declaración responsable asinada pola/o titular ou pola/o representante legal da Entidade na que se indique, baixo a súa responsabilidade ter cumprido o obxecto do presente convenio (ANEXO I).

5.2.- Unha memoria das actividades realizadas no proxecto (ANEXO II). Deberá xuntar á memoria unha reportaxe fotográfica e/ou audiovisual que reflecta o desenvolvemento das actividades, así como unha mostra dos medios de difusión utilizados. Ademais indicarse as páxinas web e/ou redes sociais utilizadas para a súa difusión pública, e de ser o caso, referencia das aparicións do proxecto nos medios de comunicación social. En caso de que se elabore e/ou reparta algún tipo de material financiado con este convenio, deberá obter o visto bo do Concello de Santiago, tanto o deseño e contido como os criterios de reparto, e, posteriormente, deberá facerse entrega de polo menos dous exemplares ao Concello de Santiago.

5.3.- Relación detallada de todas as subvencións ou axudas solicitadas, concedidas ou percibidas doutros axentes, outras administracións, entes públicos ou privados para a mesma finalidade, que se acreditará mediante Declaración responsable, asinada pola persoa representante legal da entidade (ANEXO I). No suposto que as actividades fosen financiadas, ademais de por este convenio, con fondos propios, outras subvencións ou recursos, deberá detallarse na xustificación o importe, a procedencia e a aplicación dos ditos fondos ás actividades subvencionadas consonte co ANEXO III. En ningún caso a contía da subvención só ou en concorrencia con outras subvencións ou axudas, poderá superar a totalidade do custo da actividade/programa subvencionada ao albor deste convenio.

5.4.- Relación detalla das facturas (na que deberá constar concepto, número de factura, data de expedición, data de pagamento, proveedor e ordénante) ou documentos xustificativos que se presentan para a xustificación asinada pola/o titular ou pola/ representante legal da entidade segundo o ANEXO III, desagregadas por conceptos segundo o orzamento presentado pola entidade.

6º.- O prazo de vixencia deste convenio establécese dende o momento da súa sinatura ata o 31 de decembro de 2022. Serán subvencionables os gastos executados e efectivamente pagados entre o 1 de xaneiro de 2022 e o 14 de novembro de 2022.

7º.- O incumprimento das obrigas que se impoñen ao interesado levará consigo a restitución dos importes dos pagos da subvención que en cada caso se tivese efectuado.

8º.- Polo Concello poderá esixirse, aparte das condicións establecidas neste convenio, as fórmulas de xustificación de cumprimento de obrigacións que se estimen convenientes.

9º.- Con respecto aos libros e rexistros contables que deba levar a Asociación Área Empresarial do Tambre, así como para reintegro de fondos, en caso de incumprimento e demais medidas de control e inspección, estarase ao disposto na lei 38/2003 de subvencións e demais lexislación que no seu caso sexa de aplicación.

10º.- O importe da subvención especificada neste convenio, cando proceda o pago do mesmo, deberá ser ingresado no número de conta da Asociación Área Empresarial do Tambre indicado na certificación bancaria aportada pola entidade.

11º As actuacións en materia de cesión de datos de carácter persoal axustaranse ao disposto na Lei orgánica 3/2018, de 5 de decembro, de protección de datos persoais e garantía dos dereitos dixitais, e no Regulamento (UE) 2016/679 do Parlamento Europeo e ao Consello do 27 de abril de 2016 relativo á protección das persoas físicas no que respecta ao tratamento dos seus datos persoais e á libre circulación destes datos.

12º Son causas de resolución deste convenio, de acordo coa lexislación vixente, o incumprimento de calquera cláusula establecida no mesmo, e concretamente:

- a) Forza maior que imposibilite o desenvolvemento das actividades programadas.
- b) Incumprimento das cláusulas establecidas no convenio específico de colaboración.
- c) Mutuo acordo entre as partes.
- d) O vencemento do seu prazo.

13º O presente convenio de colaboración ten natureza administrativa e está expresamente excluído do ámbito de aplicación da Lei 9/2017 de Contratos do Sector Público, segundo o sinalado no seu art. 6 sen prexuízo da súa posible aplicación con carácter supletorio.

Para a interpretación de cantas dúbidas xurdan na aplicación do convenio créase unha comisión mixta, que estará integrada polas persoas que sexan designadas para o efecto por parte das dúas institucións (persoal técnico do CX34 Promoción Económica e da Asociación Área Empresarial do Tambre). Esta comisión velará polo cumprimento dos obxectivos fixados.

Non obstante o anterior, as cuestións litixiosas que poidan xurdir sobre este convenio, respecto da vixilancia e control, interpretación, resolución e efectos do mesmo, serán resoltas en última instancia administrativa pola Xunta de Goberno da cidade de Santiago de Compostela, poñendo os seus acordos fin á vía administrativa e contra eles poderá interpoñerse recurso contencioso-administrativo, segundo establece o artigo 46.4 da Lei 29/1998, reguladora desta xurisdición. Para este efecto, será competente o Xulgado do Contencioso Administrativo de Santiago de Compostela



Santiago de Compostela, na data indicada nas sinaturas dixitais

Polo CONCELLO DE SANTIAGO

Pola Asociación Área Empresarial do Tambre de
Compostela

Asdo.: Xosé Sánchez Bugallo

ALCALDE

ANEXO I DECLARACIÓN RESPONSABLE

DATOS DA ENTIDADE NOME OU RAZÓN SOCIAL

NIF

LOCALIDADE

CORREO ELECTRÓNICO

ENDEREZO

TELÉFONO

E, NA SÚA REPRESENTACIÓN NOME E APELIDOS

NIF

EN CALIDADE DE

DECLARO BAIXO A MIÑA RESPONSABILIDADE,

1. Que a Entidade/Asociación ten cumprido co obxecto do convenio asinado co Concello de Santiago no ano 2022, para o desenvolvemento da Actividade/Programa/Proxecto, de conformidade coas cláusulas contidas no mesmo.

2. Que todos os datos contidos nesta declaración son certos.

3. Que esta Entidade cumpre con todos os requisitos para obter a condición de beneficiaria dunha subvención e, polo tanto, non está incurso en ningunha das circunstancias de prohibición á que se refire a Lei 38/2003, do 17 de novembro, xeral de subvencións e, o Real Decreto 887/2006, do 21 de xullo, pola que se aproba o seu regulamento e da Lei 9/2007, do 13 de xuño, de subvencións de Galicia.

4. Esta Entidade está ao día no cumprimento das obrigas tributarias e fronte á seguridade social, e non ten pendente de pagamento ningunha débeda coa Administración pública da comunidade autónoma, nin co Concello de Santiago de Compostela.

E a tal efecto, **Presento:**

☐ **Certificado de Situación de cotización da Tesourería xeral da Seguridade Social.**

☐ Certificado da Delegación Especial de Galicia da Axencia Tributaria.

☐ Certificado da Axencia Tributaria de Galicia da Consellería de Facenda.

☐ Certificado da Tesourería do Excmo. Concello de Santiago de Compostela.

5. A Entidade está de acordo coas actuacións de control e supervisión da subvención que se leven a cabo por parte do órgano concedente.

6. Que en relación con outras axudas concedidas ou solicitadas esta Entidade:

☐ Non ten solicitada nin concedida ningunha outra axuda para este mesmo proxecto e conceptos para os que se solicita esta subvención.

☐ Ten solicitadas e/ou concedidas outras axudas para este mesmo proxecto e conceptos para os cales se solicita esta subvención doutras administracións públicas competentes, entes públicos ou privados, estatais ou internacionais, que son os que a continuación se relacionan:

ORGANISMO/S	S/C/P (1)	IMPORTE€ (2)	% (3)	DISPOSICIÓN REGULADORA (4)

(1) Indíquese o que corresponda S (solicitada), C (concedida), P (percibida) (2) Importe total da axuda solicitada/concedida/percibida procedentes das distintas administracións públicas ou doutros entes públicos ou privados, nacionais ou internacionais, para a mesma finalidade.

(3) Porcentaxe de axuda sobre o custe total.

(4) Indíquese nome da Administración/Entidade pública concedente e data da resolución.

En cumprimento do disposto na Lei orgánica 3/2018, de 5 de decembro, de Protección de Datos Persoais e garantía dos dereitos dixitais, infórmase de que os datos persoais recollidos na presente Declaración e nos seus anexos se incorporarán a un ficheiro para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei mediante un escrito dirixido ao Excmo. Concello de Santiago de Compostela como responsable do ficheiro.

LEXISLACIÓN APLICABLE: Orzamento Xeral do Excmo. Concello de Santiago de Compostela para o ano 2022, Bases de Execución do Orzamento para o ano 2022. Lei 38/2003, do 17 de novembro, xeral de subvencións (BOE número 276, do 18 de novembro); o Real Decreto 887/2006, do 21 de xullo, polo que se aproba o seu regulamento (BOE número 176, do 25 de xullo); e a Lei 9/2007, do 13 de xuño, de subvencións de Galicia (DOG número 121, do 25 de xuño); e o Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

SINATURA DA PERSOA REPRESENTANTE

ANEXO II
MEMORIA DO PROXECTO/PROGRAMA
(Deberá redactarse seguindo estritamente este modelo)

NOME DA ASOCIACIÓN, FUNDACIÓN, ENTIDADE OU FEDERACIÓN

NIF

DENOMINACIÓN DO PROXECTO

Descrición do proxecto con referencia aos aspectos máis salientables na súa execución (Máximo 15 liñas)

--

Obxectivos e prioridades. Explicaranse cal ou cales foron os obxectivos xerais e específicos acadados (Máximo 15 liñas)

--

Persoas destinatarias. Explicarase a quen se dirixiu o proxecto establecendo dous apartados: persoas inmigrantes e persoas retornadas, o seu numero, idades, sexo e país de procedencia.

--

Persoas encargadas de desenvolver o proxecto. Detallarse o equipo que levou a cabo as actividades e as funcións de cada persoa membro do equipo e as tarefas necesarias que se desenvolveron para a súa execución.

Nome e apelidos	Funcións levadas a cabo no proxecto	Actividades en que participou	Tarefas que desenvolveu nas devanditas actividades

Explicar o impacto que tivo na comunidade destinataria do proxecto, así como o efecto multiplicador e o seguimento (Máximo 15 liñas)

Recursos humanos e materiais implicados na organización do proxecto.

Avaliación dos resultados, onde se deberá describir detalladamente o sistema de avaliación empregado para medir os resultados ou os logros (cualitativos e cuantitativos) na execución do proxecto (Máximo 15 liñas)

Explicación de como se fixo a difusión e visibilidade do proxecto. É obrigatorio xuntar á memoria unha reportaxe fotográfica ou audiovisual que reflicta o desenvolvemento das actividades, así como unha mostra dos carteis empregados. Ademais, indicaranse as páxinas web e/ou redes sociais utilizadas para a súa difusión pública; e, de ser o caso, achegarase a referencia das aparicións do proxecto nos medios de comunicación social.

Persoa de contacto para realizar consultas sobre a presente xustificación

Nome

Apelidos
Función que desenvolve
Enderezo electrónico
Teléfono

ACTIVIDADES DESENVOLTAS NO PROXECTO. Se o desenvolvemento do proxecto conlevou a execución de varias actividades, cubrir o seguinte esquema para cada unha delas.

NOME DA ACTIVIDADE: OBXECTIVO DA ACTIVIDADE (Máximo 5 liñas) DESCRIBIR O QUE SE FIXO (Máximo 15 liñas) PERSOAS DESTINATARIAS EXCLUSIVAMENTE DA ACTIVIDADE. Establecendo dous apartados: persoas inmigrantes e persoas retornadas, o seu numero, idades, sexo e país de procedencia. LUGAR DE REALIZACIÓN: DATAS (Indicar meses/días nos que comezou e rematou a actividade, e/ou número de horas se procede): ACTIVIDADES DE PLANIFICACIÓN E EXECUCIÓN: RECURSOS HUMANOS E MATERIAIS IMPLICADOS NA ORGANIZACIÓN DA ACTIVIDADE:

En cumprimento do disposto na Lei orgánica 3/2018, de 5 de decembro, de Protección de Datos Persoais e garantía dos dereitos dixitais, infórmase de que os datos persoais recollidos na presente Declaración e nos seus anexos se incorporarán a un ficheiro para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei mediante un escrito dirixido ao Excmo. Concello de Santiago de Compostela como responsable do ficheiro.

LEXISLACIÓN APLICABLE: Orzamento Xeral do Excmo. Concello de Santiago de Compostela para o ano 2022, Bases de Execución do Orzamento para o ano 2022. Lei 38/2003, do 17 de novembro, xeral de subvencións (BOE número 276, do 18 de novembro); o Real Decreto 887/2006, do 21 de xullo, polo que se aproba o seu regulamento (BOE número 176, do 25 de xullo); e a Lei 9/2007, do 13 de xuño, de subvencións de Galicia (DOG número 121, do 25 de xuño); e o Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

SINATURA DA PERSOA REPRESENTANTE



ANEXO III
XUSTIFICACIÓN XERAL DA SUBVENCIÓN

D. como representante legal de:
Entidade beneficiaria:
NIF:

CERTIFICO:

1º.- Que o programa para o que se concedeu a subvención, e que a continuación se detalla, foi realizado:

- ☐ Na súa totalidade
☐ Parcialmente

Actividade ou programa:

Datas de realización:

Importe do Proxecto:

Importe da subvención concedida:

2º.-Que os gastos xerados na/s actividade/s concreta/s do programa/s subvencionado/s son os seguintes:

CONCEPTO	NÚMERO DE FACTURA	DATA DE EXPEDICIÓN	PROVEEDOR/A OU EMISOR/A	NIF PROVEEDOR/A OU EMISOR/A	DATA DE PAGAMENTO	FORMA DE PAGAMENTO	IMPORT E EN €

RELACIÓN DE FACTURAS

(1) Concepto: Conceptos establecidos no Orzamento desagregado presentado pola Entidade, á sinatura do convenio, segundo o ANEXO I.

(2)Forma de pagamento: Cheque, Transferencia, Efectivo.

3º.-**DECLARO** que a relación de **NÓMINAS/RETRIBUCIÓN**S das persoas traballadoras destinadas a desenvolver a actividade/programa

do convenio asinado co Concello de Santiago para o ano 2022, que se presentan para a xustificación son as seguintes:

DATA NÓMINA	NOME TRABALLADOR/A	% DA XORNADA LABORAL APLICABLE AO PROXECTO	IMPORTE NÓMINA APLICABLE AO PROXECTO*	IMPORTE SEGURIDADE SOCIAL APLICABLE AO PROXECTO	DATA DE PAGO NÓMINA	FORMA DE PAGO	IMPORTE SEGUR. SOCIAL APLICAB LE AO PROXECTO	DATA PAGO SEGURIDA DE SOCIAL	FORMA PAGO SEGUR. SOCIAL

*Importes vinculados ao % da xornada laboral que se detallou, no caso de non aplicarlle a este Convenio o 100% da xornada

4º.- Que os restantes gastos xerados pola actividade subvencionada foron financiados con cargo a

5º.- Que en relación con outras axudas concedidas ou solicitadas esta Entidade:

- ☐ Non ten concedida ningunha outra axuda para este mesmo proxecto e conceptos para os que se solicitou esta subvención.
- ☐ Ten solicitadas e/ou concedidas outras axudas para este mesmo proxecto e conceptos para os cales se solicitou esta subvención doutras administracións públicas competentes, entes públicos ou privados, estatais ou internacionais, que son os que a continuación se relacionan:

ORGANISMO/S	S/C/P (1)	IMPORTE€ (2)	% (3)	DISPOSICIÓN REGULADORA (4)

- (1) Indíquese o que corresponda S (solicitada), C (concedida), P (percibida) (2) Importe total da axuda solicitada/concedida/percibida procedentes das distintas administracións públicas ou doutros entes públicos ou privados, nacionais ou internacionais, para a mesma finalidade.
- (3) Porcentaxe de axuda sobre o custe total.
- (4) Indíquese nome da Administración/Entidade pública concedente e data da resolución

6º.-Da liquidación de ingresos e gastos se deriva que respecto do programa ou actividade realizada, cúmprese o disposto no artigo 31.1 da LXS, o importe dos ingresos e subvencións concedidas non supera o importe total dos gastos devengados, sendo destinadas todas as achegas á actividade subvencionada.

En cumprimento do disposto na Lei orgánica 3/2018, de 5 de decembro, de Protección de Datos Persoais e garantía dos dereitos dixitais, infórmase de que os datos persoais recollidos na presente Declaración e nos seus anexos se incorporarán a un ficheiro para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei mediante un escrito dirixido ao Excmo. Concello de Santiago de Compostela como responsable do ficheiro.

LEXISLACIÓN APLICABLE: Orzamento Xeral do Excmo. Concello de Santiago de Compostela para o ano 2022, Bases de Execución do Orzamento para o ano 2022. Lei 38/2003, do 17 de novembro, xeral de subvencións (BOE número 276, do 18 de novembro); o Real Decreto 887/2006, do 21 de xullo, polo que se aproba o seu regulamento (BOE número 176, do 25 de xullo); e a Lei 9/2007, do 13 de xuño, de subvencións de Galicia (DOG número 121, do 25 de xuño); e o Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

SINATURA DA PERSOA RESPONSABLE

ANEXO IV

DECLARACIÓN RESPONSABLE SOBRE PUBLICIDADE RESPECTO DO CARÁCTER PÚBLICO DO FINANCIAMENTO DO PROGRAMA/ACTIVIDADE

DATOS DA ENTIDADE
NOME OU RAZÓN SOCIAL
NIF
ENDEREZO
LOCALIDADE
TFNO/S
CORREO ELECTRÓNICO

E, NA SUA REPRESENTACIÓN
NOME E APELIDOS
NIF
EN CALIDADE DE

DECLARO ter dado a adecuada publicidade do carácter público do financiamento do programa/actividade subvencionada

obxecto do convenio, , de conformidade co establecido no convenio, en cumprimento do disposto na normativa reguladora das subvencións.

A tal efecto achegase coa memoria se procede reportaxe fotográfica e/ou audiovisual que reflicte o desenvolvemento das actividades, así como unha mostra dos carteis empregados.

Apórtanse como soportes documentais se procede (carteis, folletos, enquisas, captura de pantalla páxinas web, fotografías ou outra documentación elaborada ad hoc) xustificativos o/s seguinte/s:

- Indícanse as páxinas web e/ou redes sociais utilizadas para a súa difusión pública e, de ser o caso, referencia das aparicións do proxecto nos medios de comunicación social.
